

中華民國郵政局特准掛號認爲新聞紙類

中 華 民 國 三 年 八 月 十 六 號  
湖 南 官 書 報 局 印 行

# 湖 南 政 報

## 本報價目

一本報按照陽歷每日出報一本  
一每分每月收回大洋六角  
一零售每分銅元四枚

一外埠購報郵費以購報之多寡酌加  
一夫役送報如有遺漏請即函告以便補發

湖南官書報局廣告

啓者本局印刷廠製出官紙印刷極精取價極廉已呈由 靖武將軍兼巡按使通令各機關來局購用在案查本局印製各種官紙概由學院街本局總發售處出售並無委託商店代銷情事倘各商店有售賣本局製造之官紙者即係假冒射利一經查覺定即呈請 靖武將軍兼巡按使嚴懲不貸恐未週知特此登報宣告

湖南官書報局廣告

啓者本局前在省城文運街設立總發行所經理出售官紙書報等項現因距局太遠照料不便將該所歸併局內照舊設櫃減價出售嗣後各處有訂印新式官紙購買書報等件者請直接本局交易決不致誤特此登報聲明



目錄

令

大總統策令 京文

飭

靖武將軍兼巡按使飭

飭湖南銀行總理 據寧鄉縣詳該縣銅元缺乏請給執照持赴撥兌零票以濟市面由

飭各道尹警察廳 據高等檢察廳詳請通緝鳳縣逃犯吳喬佑等一案由

飭四道尹各縣知事 據高檢廳詳請通緝逃犯董舉林由

飭高等審判廳長 據沅江縣知事詳請擬將縣屬監獄改為丙種由

飭財政廳長 據前署道縣知事望雲亭詳據收入情形請獎所員莫萃由

飭財政廳長 據寶慶師亮稟為援例津貼由

飭大庸縣知事 准會圖記准予備案由

飭湖南籌備巴拿馬賽會出品協會幹事長 准事務局咨請轉交飭各官廳學如出出品即就近交協會解送由

飭四道尹警察廳 准政事堂法制局咨送美博士古德諾所著

詳批

靖武將軍兼巡按使批

批零陵縣知事詳報覆判號房胡景星擅騙唐萬普錢文一案賚判詞供詞請示由

批湖北財政廳詳請飭追熊維楨虧欠前外交司公款由

批衡山縣知事周慶元詳賚小學教員講習所學生畢業成績表冊請核備案由

批湖南私立中學校詳賚附設法政別科畢業各生表冊請核轉立案由

呈

財政部 農商部 呈會同擬訂徵收鑛稅簡章繕摺請鑒核文并 批令

通告

湖南巡按使公署政務廳廣告



令

大總統策令

京電

蔣松林給予三等文虎章此令

朱爾墀給予四等嘉禾章此令

續據河南護軍使趙倜電陳連接各路報告及調查白狼斃命情形確係田作霖張敬堯及牛桂林劉寶善等各支隊先後在三山寨等處圍勦白狼迭受重傷旋即斃命匪黨移屍掩匿石莊附近張治功適在該處搜勦查獲呈報等情查白狼既係田作霖等擊傷斃命張治功於查獲呈報時并未詳實聲明迹近冒功本應按律究辦劉鎮華未經審查遽以轉報殊屬疏忽姑念劉鎮華張治功前在富水關太平溝等處勦匪甚力免其議處應將本月九日策令獎案一律撤銷至此案尤爲出力人員著趙倜確切查明呈請獎勵此令

中將銜陸軍少將張敬堯陸軍中將劉鎮華前因堵匪不力曾經褫官現在匪首白狼業經圍勦殄除張敬堯劉鎮華均著開復原官此令  
任命丁效蘭爲陸軍第九混成旅旅長此令

內務部呈江西巡按使戚揚咨請任命李笛岱爲江西水上警察廳廳長應照准此令

陸軍部呈請任命張耀山爲廣西陸軍第一師礮兵第一團團長潘其霑爲廣西陸軍第二師步兵第六團團長應照准此令



陸軍部呈請任命趙學栝爲陸軍第九混成旅步兵第一團團長應照准此令

司法部呈稱署陝西長安地方檢察廳檢察長趙貞元服務不力被控有案請先開去署缺以示薄懲等語趙貞元應卽免去署職此令

司法部呈請任命周丕顯署河南開封地方檢察廳檢察官凌應麟署陝西長安地方檢察廳檢察長王詠著陝西高等檢察廳檢察官喻兆麟程文煥署安徽高等審判廳推事趙毓璜署浙江郵縣地方檢察廳檢察官唐毅署福建閩侯地方審判廳廳長陳洵署福建閩侯地方審判廳推事應照准此令

司法部呈稱著江蘇上海地方審判廳推事惲福鈞署江西高等審判廳推事汪德溫詳請辭職惲福鈞汪德溫均准免去署職此令

司法部呈請將裁缺之者直隸保定地方檢察廳檢察官董敬修曹善同林福貽均免去本職另候任用等語應照准此令

陸軍部呈核准正黃旗漢軍都統載潤咨請以董明慶補參領張思陰補印務章京文厚張順昌補驍騎校請予准補等語應照准此令

據開武將軍督理雲南軍務唐繼堯電稱探報亂黨孫文陳其美現於東京偽造紙幣五十萬元軍用票五〇〇十萬元派朱超鄧文暉韓恢龔鎮鵬季雨霖劉瑛携往上海分赴安徽江寧



鎮江江西湖北等處運動軍隊圖謀不軌請通令查緝等語前因上海等處查獲該亂黨偽造紙幣多種業經通令緝拏茲又遣派死黨攜帶偽票分赴內地哄誘軍人希圖擾亂大局實屬怙惡不悛著各將軍巡按使都統及各統兵長官一體飭屬嚴行查緝並嚴拏亂黨朱超鄧文暉韓恢龔鎮鵬季雨霖劉瑛等務獲懲辦以肅法紀此令

據靖武將軍督理湖南軍務兼署巡按使湯電稱此次郴縣兵變永興縣知事趙元錕聞警棄城先遁安仁縣知事羅正聲因警察拏獲匪探遽自警擢逃逸以至地方擾亂甚至監犯破獄恣肆掠請予從嚴究辦至郴縣知事殷廷鶚據稱力抗亂匪身受重傷應俟查明再行詳報等語查縣知事身膺民社平日已不能無故擅離如遇事變猝生自應加意嚴防盡心截堵此次郴縣兵變永興縣知事趙元錕安仁縣知事羅正聲竟敢棄城先遁貽害地方殊深痛恨既據該將軍審訊明確趙元錕羅正聲着即按照軍律立行正法以昭炯戒其郴縣知事殷廷鶚雖克抗匪受傷然於兵亂之先毫無覺察亦屬咎有應得應即先行褫革由該將軍確切查明具復再行核辦交內務部陸軍部查照此令

據廣西巡按使張鳴岐呈稱卸署柳城縣知事朱錫吟前在任內釋過案匪二十五名各匪獲釋後復入匪幫並有戴官保邱亞苟二名仍充幫內頭目各情當經密飭妥員前往澈查屬實口口懲戒等語地方官本有緝捕之責乃該知事竟於軍警各團解送訊辦之犯先後釋放至二十五名之多即無受賄確據似此縱匪殃民已屬罪無可恕朱錫吟著交文官高等懲戒委員會從嚴議處用儆官邪所有被釋各匪仍由該巡按使分飭道縣嚴拿務獲懲辦以靖

地方此令



任命雲南騰越道道尹唐爾鏞爲雲南滇中道道尹雲南滇中道道尹楊福璋爲雲南騰越道道尹此令

任命蔡成勳著陸軍第一師師長仍歸察哈爾都統節制此令

任命李煥章爲陸軍第一師第一旅旅長此令

署理吉林巡按使孟憲彝保薦政務廳廳長人員呈請任命等語應准以高翔爲吉林巡按使公署政務廳廳長此令

財政部呈擬將署僉事金興華叙列五等等語應照准此令

據靖武將軍督理湖南軍務湯 電據長岳鎮守使伍祥楨電稱接駐桂趙團長電新田現已安靜郴桂各屬已無股匪潰匪由大河邊竄入粵境經官軍追剿擒斬匪衆奪獲牲畜甚夥僞參謀陳瀝卽叔海亦經拏獲正法現仍向粵界搜勦務絕根株等語此次郴縣之變本係亂黨煽惑遣散之兵結合土匪致擾地方現在大股業已肅清餘黨紛潰逃竄經各該軍隊跟踪追勦不難卽日聚殲該將軍調度有方各軍士馳驅效命爲民除害嘉慰良深除仍飭由該鎮守使力督軍隊嚴加搜勦外應責成各縣知事認真清理并籌辦善後事宜務期共遏亂萌毋滋餘孽此令

中華民國三年八月十二日

謹按

中央政府命令本報係照京電號碼譯登聞或電碼有誤關係甚大應俟政府公報寄到隨時查對更正



飭

湖南巡按使公署飭

爲飭知事案據署寧鄉縣知事甘鵬展轉據永成當商徐雋童虞丞廖玉章童福廷等以稟懇轉詳以蘇民困事稟稱寧邑僻處偏隅民貧地瘠商務不便交通銅元缺乏台票稀少以前市面流通專賴各商家時出零星散票以資周轉自奉巡按使明令爲整頓商務嚴禁商票以來一時往來交易除整數必須用台票外其餘尾數非現銅元末山支轉故近日來縣中銅元倍前缺乏價亦陡漲不惟以台票作兌每千水價已昂至六七八分不等且卽重出水價無兌民店因前各首虧折勢將歇業於去年經闔邑衆紳商議改良辦法酌裁陋用擇勸雋等設法集股承辦無非便利貧民起見故凡投當物件價值無多大都以銅元從幾十幾枚至一百幾十枚諸多微特投當諸戶小數尾無從應酬實難接濟下去卽贖當各主一律以銅元一百至五百枚之台票索找亦無從彌補衝突日繁困難達於極點非急懇詳請特許時執小官台整票赴各銀行兌取官台散票以資救濟恐日久支吾不來亦難保不逼將歇業利民者反爲累民妨碍良非淺鮮爲此稟懇賞詳請巡按使准令財政廳給予執照或憑單許執官台整票赴各銀行隨時照兌二三十枚官台散票不得阻滯留難運用靈而出進敏民貧便利商困亦蘇不勝德便之至等情到縣據此知事伏查寧鄉市面蕭條銅元向來缺乏舖戶行用全恃零星錢票以資周轉現在各店所出票據已遵令限於陰歷六月初九日一律收回該當舖當物



既無零票又乏銅元稟稱困難達於極點委屬實在情形所請給予執照憑單准該當商執官台整票隨時赴各銀行兌易零票係爲使商利民起見可否准行理合據情詳請核示等情據此除批據詳已悉該縣銅元缺乏以致各當商貸付貧民零星款項周轉不靈所請發給執照准各當商持赴湖南銀行兌易零票固係爲便利商民起見惟以整折零該銀行向不留難無庸給予憑照除飭知湖南銀行外仰即轉飭各當商逕赴銀行自行接洽可也此批印發外合行飭知飭到該銀行即便查照此飭

靖武將軍兼巡按使湯壽銘

右飭湖南銀行總理

准此

湖南民  
政長印

中華民國三年八月四日

湖南巡按使公署飭

爲飭知事案查前據鳳凰縣民婦吳易氏以圖產謀殺事具控吳永賢等一案當經飭據該縣前代理知事丁乙青查復屬實所有案內被收之嫌疑犯吳喬佑吳老文二名由前幫審員左景瑤給令吳必勝頂兇供認歛錢二百餘出將吳喬佑吳老文遽行開釋而定吳必勝以死刑本兼使前在兼民政長任內核其辦理離奇實屬違法瀆職當飭接署鳳凰縣吳知事集案訊



辦並函達高等審判廳將左前幫審員嚴加處分去後茲據高等檢察廳轉據署鳳凰縣知事吳劍佩以吳喬佑吳老文兩犯日久遠颺詳請通緝前來除批飭高等審判廳飭拏前鳳凰縣幫審員左景瑤歸案訊辦並通飭外合行飭知飭到該廳長 即便遵照 轉飭所屬一體 嚴密查緝逸犯吳喬佑等務獲解究此飭

計開

吳喬佑鳳凰縣大漢約高規人年二十四歲

吳老文鳳凰縣大漢約高規人年二十歲

靖武將軍兼巡按使湯壽銘

右飭

警察廳長  
各道尹  
各縣知事

准此

湖南民  
政長印

中華民國三年八月四日

湖南巡按使公署飭

為飭行事案據高等檢察廳詳稱為詳請事案據大庸縣知事詳稱案准前縣審檢所移交大庸民人符占明控龔明治董墨林符世純等黑夜欺搶一案案內正犯龔明治從犯符世純二名業經拿獲訊押在案惟共同正犯董墨林一名當此案告發即已遠颺經前楊知事及奉法



官屢次票緝並懸賞格迄未弋獲旋由知事查核該犯董墨林素行不法案積如鱗此次強盜之所為據同犯供證尤為確鑿無疑自不容該犯逃遁稍弛法網但案懸多日未免無謂之拖累故即判決參照刑律第三百七十三條強盜有左列行為之一者處無期徒刑或二年以上有期徒刑又參照同律第三十一條於實施犯罪行為以前幫助正犯者為從犯得減正犯之刑一等或二等各等因處斷該犯龔明治董墨林符世純等三名併褫奪公權作成判決書業於六月九日宣示在卷所有共同正犯董墨林在逃未獲除檢錄全案供據連同判詞副本詳請鈞廳移送高等審判廳覆判并再由知事懸賞及責成公署小隊緝拿務獲外理合備文詳請鈞廳函行各省高檢廳及令行各屬知事各級屬廳並乞函知都督兼巡按使令行各屬防營一律通緝等情據此除函致各省高等檢察廳並通飭各屬檢察廳通緝外理合詳請鈞署查核轉飭所屬一體通緝實為公便等情到署合行飭仰該知事知事即便遵照嚴密緝拿務獲褫解究辦切切此飭

靖武將軍兼巡按使湯薌銘

右飭四道尹警察廳長准此

湖南民  
政長印

中華民國三年八月四日



湖南巡按使公署飭

爲飭知事據沅江縣知事詳稱爲據情轉詳擬請將沅江監獄費改爲丙種事案據管獄員袁宏勳詳稱案奉函開奉高等審判廳第一五七號飭開湘省司法經費當經斟酌情形核實支配編定預算各表仰卽遵照等因奉此查管獄員自上年四月到任以來行政司法兩署發交之犯常至五十名以上九十名以下現奉發經費預算表載將沅江列爲丁種細閱表內意義係以最近冊報爲標準最近者大約以本年三四五月而言查職署三月份收男女犯七十五名給予口糧六十三名四月份收八十三名口糧六十六名五月份收九十二名口糧六十九名每月冊報雖未至七十名以上而實收人犯每月有七十名以上之多况沅江縣缺現已改爲二等獄費應請改爲丙種如以冊報人犯爲準繩多係極貧而無顧送之犯不能不實報實銷則一監獄之犯若全體冊報必蹈浮濫之弊現在監押人犯爲數甚多看守八名尙屬不能兼顧况減至五名尙有疎虞管獄實難任咎茲特詳請轉陳等情據此除批據詳該縣監獄收管人犯甚多若列爲丁種看守五名實不敷用擬請改爲丙種等語事關通案能否變通辦理候飭高等審判廳會同高檢廳查明核議飭遵具覆此批印發外合行飭仰該廳遵照辦理此飭

靖武將軍兼巡按使湯薌銘

右飭高等審判廳廳長

准此



湖南民  
政長印

中華民國三年八月五日

湖南巡按使公署飭

爲飭知事案據前署道縣知事望雲亭詳陳該縣驗契所會計員莫羣始終出力請給獎勵等情到署據此查核原詳聲明分詳該廳有案除批詳悉查該前知事在任數月適值盜匪充斥籌勦不遑所稱於驗契一事僅攬大綱實皆會計員莫羣設法勸導之力自係實情具徵彰瘴自公良堪嘉尙該前知事辦匪出力前已呈奉 大總統獎給勳章在案所有該縣驗契所會計員莫羣既據臚陳成績自未便沒其勤勞應如何特別獎勵之處候飭財政廳妥議詳覆以憑核明飭遵仰接署道縣田知事仍將該縣驗契事宜督飭所員繼續進行以收實效並錄批咨會該前知事知照此批印發外合行飭知飭到該廳即便遵照辦理此飭

靖武將軍兼巡按使湯薌銘

右飭財政廳廳長陶思澄准此

湖南民  
政長印

中華民國三年八月五日



# 湖南巡按使公署飭

爲飭知事案據寶慶鄧師亮稟稱稟爲懇請援例津貼事生故胞兄寅亮擔任教育七載於茲民國成立充湘都督特別調查員南遊薊鄴北走幽燕頗爲當道所器重而其志願在教育去年八月奉前都督譚狀委省立第三中學校校長苦心籌備積勞成病遂於十一月十七日身故時生正留學東瀛床頭金盡聞耗不果行迄今夏返湘適奉令飭繳銷委狀校印遍覓未獲蓋於扶病返梓時無人照拂致與書物等件同散失於旅邸也又查故兄於受委期內因公虧債爲數不少所有往返之輿馬火食及雜用工食各項雖因行篋飄零既無細數可稽又無收據可驗惟携歸之袖珍日記中載有籌備中學校用費共計二百四十五元等語證之故兄各同事全稱無異現在債權者日向生催索甚急在生固萬難却債務之責但以家貧親老彌補無方祇得據實稟懇鈞署賞准援例津貼存沒均沾等情據此查前省立十四中學校各校長均係於二年八月內同時受委當經前教育司議定在籌備期間內得任用庶務會計文牘書記各員月各共支薪洋二百元在卷嗣因省庫支絀飭令停辦各該校長等先後稟資冊據請核發籌備墊款到署其墊用工役雜用及各員伙食各費准予照數津貼多至四百八十餘元少亦二百六十餘元不等業經分別給領在案該故前校長鄭寅亮事同一律雖未據資繳冊據無憑稽核但受委籌備查係屬實而所報墊款數目較爲撙節除將應否給予津貼批飭財政廳議復飭遵外合行飭仰該廳長即便妥議具覆以憑核奪飭遵此飭



靖武將軍兼巡按使湯薌銘

右飭財政廳長陶思澄准此

湖南民  
政長印

中華民國三年八月八日

湖南巡按使公署飭

為飭行事案准 農商部第六一六號咨開為咨行事本年七月十五日接准咨送湖南大庸縣商務分會圖記模式請鑒核備案等因前來查該會所刊圖記模式尙無不合應即准予備案相應咨復貴巡按使查照飭遵可也此咨等因准此合行飭仰該知事即便轉飭知照并將該商務分會辦理情形隨時詳報查考此飭

靖武將軍兼巡按使湯薌銘

右飭大庸縣知事准此

湖南民  
政長印

中華民國三年八月八日



湖南巡按使公署飭

爲飭行事案准籌備巴拿馬賽會事務局咨開爲咨行事案查此次籌備巴拿馬賽品關於官廳出品迭經本局規定辦法并刊發通知書目錄書說明書在案除在京各項官廳出品應呈由管轄官廳彙齊解申交局外其在各省之官廳出品應即直接點交出品協會接收由該協會轉運來申交局驗收不必另行派員押運致費周折相應再行咨請貴巡按使轉飭各官廳學校倘有出品即就近交由出品協會解申以免轉折而昭一律此咨等因准此合亟飭行爲此飭仰該會即便遵照辦理並行知出品各官廳學校一體遵辦此飭

靖武將軍兼巡按使湯薊銘

右飭湖南籌備巴拿馬賽會出品協會幹事長舒仁准此

湖南民  
政長印

中華民國三年八月十日

湖南巡按使公署飭

爲飭行事案准貴州巡按使咨開爲咨請事案照解運巴拿馬賽會出品經過本國各地照章應予免稅本省出品準於七月十五日派員由黔起運送滬經過貴省請飭各關津一律照單驗放以利通行除將運單護照給該員承領外爲此咨請貴巡按使核飭遵照實爲公便此咨



等因准此除咨覆外合行飭仰該廳長監督即便查照來咨事理轉飭所屬各稅關一律遵照此飭

靖武將軍兼巡按使湯薌銘

右飭長沙關監督 湖南財政廳准此

湖南民  
政長印

中華民國三年八月十日

湖南巡按使公署飭

為飭發事案准政事堂法制局咨開本局顧問美國博士古德諾著有中國官吏之教育論奉大總統諭分送貴巡按使相應檢送中國官吏之教育論二十本希即查照可也等因准此除分別飭發外合行飭發該道尹 警察廳長 交涉員即便查照此飭

靖武將軍兼巡按使湯薌銘

右飭四道尹 交涉署 財政廳 警察廳准此

湖南民  
政長印

中華民國三年八月十日



詳批

靖武將軍兼巡按使批

批零陵縣知事詳報覆判號房胡景星撞騙唐萬普錢文一案賣判詞供詞請示由

詳悉查本年七月五日第七百七十七號政府公報內載 司法部第二百十三號通飭各省審檢廳公布另定覆判章程第一條之規定限於最重主刑三等有期徒刑以上始由高等審判廳覆判此案胡景星以在官人役藉案詐贓實屬不法既據依律判決核其刑期係在三等有期徒刑以下應俟確定後照判執行自可毋庸覆判且即令與覆判刑等相符亦應詳由高等檢察廳附意見書送高等審判廳覆判本公署並非覆判機關該知事輒行送請覆判手續尤屬錯誤仰即知照此批判詞姑存

批湖北財政廳詳請飭追熊維楨虧欠前外交司公款由

來牘閱悉已飭知永順縣知事查照勒追俟追繳到署再行轉解 湖北巡按使發還歸款希即查照此復

批衡山縣知事周膺元詳實小學教員講習所學生畢業成績表冊請核備案由  
詳表均悉查該所學生畢業成績尙無不合應准備案此繳表存

批湖南私立明德中學校詳實附設法政別科畢業各生表冊請核轉立案由

詳表均悉查該校附設法政別科未經 教育部核准立案本年四月據該校造資各項表



册請查核報部等情到署當經據情轉達現尙未奉部覆所請咨報之處本屬未便准行惟該班學生既經畢業前此未能立案之原因已據該校詳陳轉達在卷應即准予咨陳教育部察核見覆飭遵又查該校原名湖南明德學校嗣據詳請改名湖南私立明德中學校茲該具詳人自稱私立明德大學代表實與北京私立明德大學相混仰即妥速更正以符名實是爲至要此繳原册存送



呈

財政部呈會同擬訂徵收鑛稅簡章繕摺請鑒核文并

批令

農商部呈會同擬訂徵收鑛稅簡章繕摺請鑒核文并  
爲議定徵收鑛稅簡章呈請鑒核事竊查鑛業條例及鑛務監督署官制前經農商部先後呈請公布在案查鑛業條例第六章載明鑛稅分爲兩種一爲鑛區稅一爲鑛產稅又鑛務監督署官制第十條第四項係關於徵收鑛稅事項是鑛稅之輸納爲鑛商應負之義務而鑛稅之徵收爲鑛務監督署應行之職權惟自民國成立以來各省之徵收鑛稅者往往自爲風氣既無統一之機關復鮮確定之稅額際茲發展鑛業之際又適當財政支絀之時固不能以煩苛之賦稅過事追求亦未便以天然之富源聽其廢棄爰由<sup>自齊</sup>往復商榷訂立簡章十一條擬請將鑛區鑛產兩稅劃分各監督署及財政廳分別徵收一以便鑛署之鈎稽一以謀財政之統一蓋鑛區之指定事關技術非有專門之士督察之則鑛業訴訟恆因之而起今擬以徵收鑛區稅之權責之於各監督署既徵之後仍轉解於財政廳其未設監督署諸省仍暫由財政廳一并徵收如此則鑛區之範圍既因納稅而定其疆界則鑛業之輻輳亦由徵稅而便於裁決至鑛產稅爲國稅之一如黑龍江直隸諸省恆視爲收入正供財政廳有統一財政之責對於徵收機關指揮較易今擬以徵收鑛產稅之權屬之於各財政廳并令各監督署隨時爲之督察報告各省之財政既不因官制變更而稍受影響而鑛商之賦稅又可免隱匿偷漏之虞權限雖分責任寔各有專屬雖與鑛務監督署官制規定徵有出入而國稅之徵收益形利便



自齊等商再四意見相同所有擬訂徵收礦稅簡章緣由理合繕具清摺合詞呈請  
統鑒核如蒙俯准再由部分別通知各廳署遵照辦理謹乞訓示遵行謹 呈

大總

大總  
統印

中華民國三年七月二十四日



廣告

湖南巡按使公署政務廳廣告

案准山西大學校農工商各專門學校函開敝校前奉巡按使飭知定於本年八月添招各科學生若干班已於本省各報登錄廣告惟敝校均屬專門性質各省如有相當資格願來就考者自應一體考驗以廣收羅而宏造就等因到廳合行廣告志願投考各學生等務即查照後開手續如期逕行赴試此佈

計開赴考及入學手續

校 別	招生科目	試驗科目	資 格	學 費	試驗日期
大 學 校 第 二 部 預 科	<small>一部國文英歷史地理 二部國文英理化算學</small>	中 學 校 通 年	畢業者壹拾元 壹 元	八月二十號 以後九月五 號以前	



<p>商 業</p>	<p>工 業</p>	<p>農 林</p>
<p>專門預科</p> <p>國文 英文 數學 理化 地理 歷史</p>	<p>專門預科</p> <p>國文 英文 理化 數學</p>	<p>農林 獸醫 預科</p> <p>國文 英文 數學 博物 理化</p>
<p>全</p>	<p>全</p>	<p>全</p>
<p>全</p>	<p>全</p>	<p>全</p>
<p>全</p>	<p>全</p>	<p>全</p>
<p>全</p>	<p>全</p>	<p>全</p>

民國三年八月 日



官書報局廣告

啓者本局設立編輯處延聘碩儒鉅子編譯經史政治法律經濟各種書籍暨專門學校中小初等各學校教科參攷各書並奉 令將前辦之圖書編譯局歸併合辦所有各書正在從事編輯其已出版者特爲標出各界諸君購閱請逕向學院街本局總發售處面訂可也計開書目如左

國語教授法

洋二角八分八釐

算術教授法

洋一角六分八釐

手工教授法

洋一角一分四釐

圖畫教授法

洋一角一分四釐

以上四種日本田中廣吉著南州熊崇煦譯

合購洋六角八分四釐

初等小學讀本

第一卷

洋三分

初等小學讀本教案

第一卷

洋一角二分

初等小學讀本

第二卷

洋三分六釐

初等小學讀本教案

第二卷

洋一角八分

初等小學修身書

第一卷

洋一分八釐

初等小學修身教案

第一卷

洋六分



初等小學修身書

第二卷

洋二分四釐

初等小學修身教案

第二卷

洋六分

初等小學修身書第一卷掛圖十三張

洋一元二角

初等小學算術教案

第一卷

洋一角二分

小學各科實際教授法

特裝合  
訂一册

洋一元二角

手工教科書

美國博克薩爾氏著  
江蘇謝繼叔譯

特裝每  
部二册

洋三角

少儀教科書

日本相島龜三郎著  
湘潭胡邁譯

特裝  
常裝

洋九角  
洋四角 另二釐

兒童教授法

美國耳哈博士著  
南昌羅黑子譯

特裝  
常裝

洋二角四分  
洋一角三分二釐

兒童自力研究之啓導法

美國麥加利博士著  
南昌羅黑子譯

特裝

洋二角四分

兒童個性之研究

日本大川義行著  
長沙楊樹遠譯

印刷中

新教育學

日本大瀨甚太郎著  
長沙黃獨譯

印刷中

本局出售各書從前係照碼六折發行人經於湖南政報登載廣告茲恐閱者或有誤會以致疑其昂貴特將各書價碼照實售價值改正 閱者注意